

Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

[Tractatus de attributis, de visione beatifica, de scientia Dei ac de ejus voluntate et providentia]

Gonet, Jean-Baptiste

Coloniæ Agrippinæ, 1671

§. IV. Præcipuæ objectiones solvuntur

[urn:nbn:de:hbz:466:1-77132](#)

sua substantia relativa, per quam constituitur, & ab alia distinguitur, posset habere aliquem concursum effectivum, & aliquam operationem ad extra, qua non esset communis alius, sed ei propria & peculiaris; quod est contra communem sententiam Theologorum, qui docent opera Dei ad extra esse individua, & toti Trinitati communia. Sequela Majoris probatur; si enim paternitas v.g. ut virtualiter distincta ab essentia, & realiter à filiatione, & spiratione passiva, haberet rationem speciei, & objecti motivi in intellectione divina, posset etiam gerere vices speciei in intellectione creativa, v.g. in visione beatifica. Sed hoc supposito, Pater haberet aliquam operationem, & concursum effectivum ad extra, qui esset illi proprius, & qui non conveniret Filio & Spiritui Sancto: Ergo &c. Major constat, idcirco enim divina essentia supplet, vel saltem suppone potest vices speciei impressae in visione beatifica, quia haberet rationem speciei in intellectione divina, cuius visio beatifica est quædam participatio: Ergo similiter si paternitas, ut virtualiter distincta ab essentia, haberet rationem objecti motivi, & speciei intelligibilis respectu divinae intellectuationis, idem poterit praestare in intellectione creativa, & gerere vices speciei in visione beatifica. Minor autem, in qua est difficultas, sic ostenditur. Deratione speciei intelligibilis est concurrere effectivè ad intellectuionem, juxta communem sensacionem: sicut enim ex concursu maris & feminæ gigantur proles, ita ex objecto & potentia partur notitia, ut dicit Augustinus: Ergo si paternitas, ut distincta virtualiter ab essentia, & realiter à filiatione & spiratione, possit in visione beatifica gerere vices speciei intelligibilis, Pater in divinis poterit habere aliquem concursum effectivum, & aliquam operationem ad extra, quæ toti Trinitati non erit communis, sed ei peculiari & propria.

108 Probatur quartò conclusio: Illud est objectum formale motivum divinae intellectuationis, in quo D. Verbum Divinum per se primò assimilatur Patri: Atquinon assimilatur per se primò in attributis, & multò minus in relationibus; alias communicaret Filio paternitas, sicut natura: Ergo objectum motivum divinae intellectuationis est sola essentia divina, ut distincta virtualiter à relationibus & attributis. Minor patet, Major procedatur. Secunda persona procedit ut Filius, & ut Verbum, seu species expressa: Sed Verbum, aut species expressa, per se primò assimilari debet objecto formalis motivo, & speciei impressæ; & actualissimè exprimere ac representare quæ ab ipsa specie intelligibili per se primò representantur: Ergo illud est objectum formale motivum divinae intellectuationis, in quo Verbum Divinum per se primò assimilatur Patri.

Deniq; probatur conclusio: Objectum motivum intellectus divini, vel sunt omnia attributa, vel nullum, cum de omnibus eadem militet Ratio: Sed est aliquid attributum, cui repugnat esse objectum formale motivum intellectus divini: Ergo id omni attributo repugnat, & consequenter sola divina essentia, ut distincta virtualiter ab attributis, est objectum formale motivum intellectus divini. Major constat, Minor probatur. Cui repugnat ad intellectuionē actualē mouere, repugnat esse objectum motivum intellectus: Sed volitioni divinae repugnat ad intellectuionē mouere, cum volitio scilicet intel-

lectione, saltem naturā, posterior, illamque necessariò supponat, vel, ut causam effectivam, vel saltem ut regulam à qua dirigatur: Ergo voluntio divinae repugnat esse objectum motivum intellectus divini.

Dices: Spiritus Sanctus procedit à Filio in genere principi productivi, & quasi effectivi, & tamen Filius procedit ex cognitione non solius Patris, sed etiam Spiritus Sancti (ut frequenter docent Theologi) & consequenter à Spiritu Sancto, ut objecto cognito procedit: Ergo quamvis cognitionis sit principium regulans, imò efficiens voluntatem, ut aliqui existimant, poterit à voluntate, ut à objecto causari, & objectivè moveri.

Respondeo Spiritum Sanctum non esse objectum motivum cognitionis ex qua Verbum procedit, sed tantum terminativum: objectum autem purè terminativum, non concurret effectivè ad voluntatem, nec ad terminum illius: quare ex eo quod Verbum Divinum, ex cognitione Spiritus Sancti procedat, non sequitur Spiritum Sanctum esse principium illius. Ceterum objectum motivum efficiens ad cognitionem concurrit: cùm ergo state non possit, quod cognitionis regulans voluntatem, à voluntate regulata efficiatur, divina voluntio non potest habere rationem objecti motivi, respectu intellectuationis divinae; quamvis Spiritus Sanctus sit objectum terminativum illius cognitionis, ex qua Verbum procedit.

§. I V.

Principia objectiones solvuntur.

Obiectio primò: Essentia divina habet rationem speciei, & objecti motivi divinae intellectuationis, prout est in se; quod enim sit objectum motivum, non convenit ei per nostram considerationem: Sed essentia divina, ut est in se, est attributa & relationes, cùm ab illis solùm per rationem nostram distinguatur: Ergo essentia divina, ut habet rationem speciei, & objecti motivi divinae intellectuationis, attributa & relationes includit.

Respondeo concessâ Majori, distinguendo Minorem: Essentia divina ut est in se, est attributa & relationes, identitate reali formalis, concedo Minorem: virtuali, nego Minorem, & consequentiam. Ut enim essentia divina moveat ad intellectuionem, & non attributa & relationes, sufficit virtualis distinctio, quamvis moveat prout est in se: sicut virtualis distinctio Paternitatis ab essentia, sufficit ut hæc communicetur Filio, & non communicetur paternitas; & distinctio virtualis naturæ à personalitate Fili, sufficit ut hæc similitudine uniatur humanitati, natura vero mediata; distinctio etiam virtualis inter veritatem & bonitatem divinam, sufficit ut veritas & non bonitas specificet intellectum, & bonitas & non veritas specificet voluntatem, ut constabit ex dicendi disputatione sequenti. Unde sicut ista consequentia non valet: Intellectus specificatur à veritate ut est in se: Veritas ut est in se, est bonitas: Ergo specificatur à bonitate; quia veritas à bonitate virtualiter distinguatur: ita consequentia contra nos facta non tenet, ob similem distinctionem, quæ inter essentiam, attributa, & relationes versatur.

Dices: Quia divina essentia in se terminat visionem beatam, & in se est attributa & relationes.

nes inferunt nostri Thomistæ infra quæst. 12. A non posse videri essentiam, non visis attributis & relationibus: Ergo pariter ex eo quod moveat intellectum divinum, ut in se est, & ut sic sit attributa & relationes, rectè infertur non posse essentiam movere ad intellectu[m]em, nisi etiam attributa & relationes ad eam moveant.

Respondeo negando consequentiam & patitatem: Ratio delictum est, quia in terminando cognitionem intuitivam, convenienti omnes Deformalitates, secus autem in movendo; & ideo non potest una terminare cognitionem intuitivam, altera non terminante: potest autem una mouere, altera non mouente; etsi prout in se moveant. Sicut non potest veritas di-

B

vina videri, latente bonitate: potest autem spe-

cificare intellectum, tanquam ratio formalis

sub qua, bonitate non specificante: cuius ratio

alia esse nequit, nisi quia in terminando conve-

nient, secus in specificando.

Objicies secundò: Objectum primarium, motivum vel terminativum intellectus divini, debet esse perfectissimum omnium quæ excogitari possunt: Sed ens divinum, ambiens naturam divinam, relations, & attributa, est omnium perfectissimum: Ergo est objectum primarium intellectus divini. Major videtur certa, quia intellectio perfectissimæ assignari debet perfectissimum objectum. Minor etiam patet, quia ens divinum sic sumptum, est omnibus modis infinitum, cum non solum includat perfectiones spectantes ad lineam naturæ, sed etiam illas que pertinent ad rationes attributales.

Confirmatur: Ens divinum, ut ambiens naturam, relations, & attributa, est actus purissimus, omnemque potentialitatem exclusus: Ergo habet actualitatem requisitam ad rationes objecti formalis & primarii, motivi, vel terminativi intellectus divini.

III Respondeo primo distinguendo Maiorem: Debet esse omnium perfectissimum, quod possit habere rationem speciei intelligibilis, & identificari cum intellectu, sine distinctione virtuali, concedo Majorem. Si non possit habere hæc duo, nego Majorem. Ens autem divinum, ut ambit relations & attributa, illas conditiones non habet, qui non identificatur cum intellectu divino, sine distinctione virtuali, nec habet rationem speciei intelligibilis: alioquin relatio Spiritus Sancti esset objectum motivum cognitionis essentialis, ut est in Patre, & sic prius natura debere esse productus Spiritus Sanctus, quam à Patre cognoscetur.

Secundò responderi potest, & in idem reddit, objectum per se primò motivum divini intellectus, debet esse omnium perfectissimum, quod sit eiusdem puritatis & immaterialitatis cum intellectu, concedo Majorem. Si non sit, nego Maiorem. Ens autem divinum, ut ambit naturam, relations, & attributa non est eiusdem puritatis, & immaterialitatis cum intellectu divino, ut constabit ex dicendis §. sequenti.

Ad confirmationem dicendum: quod licet attributa & relationes habeant puritatē & aequalitatem infinitam, quatenus apta sunt sibi realiter identificare existentiam incretam, tamen non habent tantam in propria linea attributi, quantam habet essentia in linea naturæ, & quantum requiritur ad rationem speciei & objecti motivi: quandoquidem non identificant sibi suam existentiam, sine distinctione virtuali, sicut facit

essentia. Addo quod essentia divina non obtinet rationem speciei, & objecti motivi, tam respectu sui, quam attributorum & relationum, ex eo solum quod est actus purissimus, & summè immaterialis, sed quia est actus purus, omnes Dei perfectiones radicaliter continens. Sicut enim licet natura Angeli, & illius proprietates, in eodem gradu immaterialitatis convenient; sola tamen natura unitur intellectui proprio at species, quia est radix ceterarum perfectionum: ita quamvis datur, quod attributa & relationes essent ejusdem immaterialitatis & puritatis a divina essentia, illa tamen sola est species, quia divinus intellectus omnia Dei praedicata cognoscit; quia est radix omnium illorum, ac proinde sufficiens ad omnia representanda.

Objicies tertio: De ratione objecti formalis, tam motivi, quam terminativi, est distinguiri realiter, vel saltem virtualiter, ab intellectu: Sed divina essentia ne virtualiter quidem ab intellectu differt; cum haec sint intra eandem lineam, & cum divina intellectio (ut supra ostendimus) sit naturæ divinæ constitutiva: Ergo divina essentia non potest esse objectum motivum vel terminativum divinæ intellectu[m]. Minor constat ex supra dictis, Major vero probatur. Objectum motivum se habet in principium realiter, vel saltem virtualiter influens in intellectu[m], mediante specie intelligibili, quam intellectum complet & fecundat; item objectum formale terminativum, specificat ipsam cognitionem: Sed specificatio, & realis, aut virtualis influxus in cognitionem, sine reali, vel saltem virtuali distinctione, salvare nequeunt: Ergo de ratione objecti motivi est distinguiri, virtualiter saltem, ab intellectu.

Respondeo negando Majorem: Cum enim intellectus intelligendo fiat res intellecta, ut docent Philosophi in libris de Anima, formalis ratio objecti non petit essentialiter distinctionem realis, aut virtualis ab intellectu & intellectione, sed potius unitatem & identitatem: distinctione vero & divisione inter illa, nascitur ex imperfectione & limitatione creaturæ, ut docet D. Thomas infra quæst. 14. art. 2. Itaque tantum abest quod intellectio, ut est analogicè communis Deo & creaturis, in supremo suo analogato (scilicet Deo) postulet ab objecto intellectu[m], realiter aut virtualiter distinguiri, quin potius petat oppositum, ut eruditè docent Salmantenses Tract. 3. de scientia Dei disp. 3 dubio 2. §. 2. & 4. Ad probationem ejusdem Majoris respondetur ex illorum doctrina, objectum motivum vel terminativum, quod est tale formaliter tantum, debere ab intellectu realiter, aut saltem virtualiter distinguiri, secus tamen illud quod est tale formaliter eminenter: sed quod illud non influat in cognitionem; nec eam terminet, aut specificet formaliter, aut virtualiter, sed tantum æquivalenter. Essentia autem divina, solum habet rationem objecti motivi, vel terminativi divini intellectus, formaliter eminenter, quatenus eadem entitas & formalitas in Deo praestat diversa munia, quæ in rebus creatis per diversas entitates aut formaliter exercentur. Hæc responsio illustrari potest exemplo existentia, quæ licet in rebus creatis, realiter, aut saltem virtualiter, ab essentia distinguatur: sed quod habeat rationem termini respectu illius, illa tamen secundum communiorum Thomistarum sententiam, ne virtualiter quidem differt in Deo

E

DISPUTATIO SECUNDA.

in Deo ab ejus essentia, quia non habet respectu illius rationem termini formaliter, sed formaliter eminenter,

S. V.

Resolvitur alia difficultas, & explicatur objectum formale terminativum intellectus divini.

117 *I*co tertio: Objectum formale terminativum, intellectus divini, non esse ens divinum ut sic, ut complectitur relations & attributa, sed essentiam divinam, ut à relationibus & attributis virtualiter distinctam.

Probatur primò conclusio ex principio supra statutis: Ut enim supra ostendimus, intellectus & objectum ejus primarium, debent convenire in gradu immaterialitatis: Sed sola divina essentia, cum divino intellectu in gradu immaterialitatis convenit: Ergo illa sola est objectum formale primarium intellectus divini. Minor probatur: Intellectus & intellectio divina, cùm constituant metaphysicè naturam Dei, suntre & ratione indistincta à sua existentia, & ultima actualitate, attributa autem, & relations, in Deo virtualiter distinguuntur ab existentia, cùm existant per existentiam ipsius essentiae, ut certum est de attributis, & ostendemus de relatio-

Diss 3 art. 6 nibus in Tractatu de Trinitate: Ergo non sunt in eodem gradu actualitatis cum intellectu divino, nec consequenter in eodem gradu immaterialitatis.

Probatur secundò conclusio: Intellectio divina non distinguatur virtualiter à suo objecto primario: At si illud includeret formaliter relations & attributa, divina intellectio virtualiter ab illo distingueretur: Ergo objectum formale terminativum intellectus divini, non includit relations & attributa. Minor constat: relations enim & attributa ab intellectione divina virtualiter distinguuntur. Major verò probatur: Intellectio divina (ut supra ostendimus) est divina natura constitutiva, ac proinde nihil supponit prius ratione: Sed hoc esset fallum, si virtualiter distingueretur à suo objecto formaliter terminativo; objectum enim ab intellectione virtualiter distinctum, est prius illa, quandoquid est veluti causa illius? Ergo intellectio divina non distinguatur virtualiter à suo objecto primario.

Probatur tertio conclusio ratione fundamentali. Illud est objectum formale terminativum aliquus potentiae, quod ratione sui ab illa attingitur, & ratione cuius cætera attinguntur ab illa: Sed essentia divina, ratione sui à divino intellectu attingitur, attributa verò & relations, ratione essentiae: Ergo hæc, ut ab illis virtualiter distincta, est objectum formale terminativum intellectus divini. Major constat exemplò colorati, quod est objectum formale terminativum potentiae visiva, quia per se primò, & ratione sui ab illa attingitur, cætera verò ratione suis. Minor etiam est evidens quantum ad primam partem, quæ assertit quod essentia divina ratione sui attingitur à divino intellectu: probatur verò quantum ad secundam, quæ affirmat attributa & relations ratione essentiae attingi. Quod ratione sui non representantur intellectui divino, sed ratione essentiae, non cognoscitur ratione sui, sed ratione essentiae: Atqui attributa & relations, non ratione sui, sed ratione essentiae representantur intellectui divino: Ergo non ratione sui, sed ratione essentiae cognoscun-

tur. Major est certa, nam idem ordo servatur inter objecta, in terminando cognitionem, ac in terminando representationem: unde quia ens rationis non representatur per propriam specie, sed per speciem entis realis, ad cuius similitudinem configitur, non primariò, sed secundariò ab intellectu nostro cognoscitur: nec alia ratio ne creatura secundariò cognoscuntur à Deo, nisi quia secundariò representantur per specie, quā divinus intellectus intelligit. Minor verò probatur. Species quā Deus intelligit, est sola divina essentia, ut §. præcedenti ostendimus: Sed divina essentia, ut species intelligibilis, seipsum solum primò representat, alia verò ratione fui vel quia illa eminenter continet, ut creature; vel quia in illis intimè includitur, ut attributa & relations: Ergo attributa & relations, non ratione sui, sed ratione essentiae, intellectui divino representantur.

Confirmatur primò: Quia substantia Angeli non est species per se primò ordinata ad representandum, primò representat se, proprietates autem, & alias perfectiones, non ratione illarum, sed ratione sui: At divina essentia est species, non ordinata per se primò ad representandum alia; hæc enim ordinatio est imperfectio, foli enti intentionalis conveniens: Ergo primò representat se, attributa verò & relations solū secundariò, & ratione sui.

Confirmatur secundò: Quia creaturae cognitæ à Deo, non uniuertur ratione sui, ut species cum divino intellectu, non representantur ratione sui, sed ratione essentiae: Atqui etiam attributa & relations, non uniuertur ratione sui ut species, sed ratione essentiae divinae: Ergo non ratione sui, sed ratione essentiae representantur.

Probatur ultimò conclusio, & rursus demonstratur, quod essentia divina sit intellectui divino ratio objectiva cognoscendi relations & attributa, & consequenter ejus objectum formale terminativum. In primis enim, quia divina essentia est infinita simpliciter in ratione speciei, non tantum est ratio cognoscendi seipsum per modum speciei, sed etiam creature, & omnia alia quæ cognoscuntur à divino intellectu: Sed etiam in ratione objecti est infinita simpliciter: Ergo non tantum est ratio objectiva cognoscendi seipsum, sed etiam relations & attributa, omneque objectum à divino intellectu cognoscibile.

Secundò: Quia ens reale ut sic, ratione sui cognoscitur à nostro intellectu, & alias per transcurrentiam includitur in omni entitate creata, est illatio sufficiens cognoscendi quamlibet entitatem crearam: Sed divina essentia ratione sui cognoscitur à divino intellectu, & alias transcedit omnem perfectionem, & formalitatem divinam: Ergo est ratio objectiva intellectui divino cognoscendi omnem Dei formalitatem.

Tertiò: Ideo divina essentia est intellectui divino ratio ex parte objecti cognoscendi creature, quia illas continet eminenter: Sed etiam continet radicaliter attributa, & relations: Ergo est ratio objectiva intellectui divino terminandi illorum cognitionem. Minor est evidens: Major verò patet ex dicendis in tractatu de scientia Dei disputatione secunda, articulo primo & secundo, ubi va iis rationibus, & SS. Patrum authoritatibus ostendemus, Deum non cognoscere creature immediatè in seipso sed solum in seipso, & in essentia sua tanquam in causa.

§. VI.